

सायखना लानाय मावफारिफोर

गिबि सप्ताह

आयदा - आबहावा /मिथिंगा

1. फरायसालिनि सोरगिदिं खाथि खाला /खाथिनि बिबारबारि /बिफां -लाइफांनि पार्क /गलेग्रा फोथार / हाग्रामा बायदि मिथिंगा बारियाव बेराय है । फरायसाफोरनो गुबुन गुबुन हारिनि बिफां फुलि /दालाय दासाफोर/बिफांफोर खौ नायनो गोसो जाहोनाय जानांगौ आरो बिसोर गावजोंगाव बेनि सोमोन्दै सावरायज्जलायनो हायो। गावजोंगाव गावनि रावजों।
2. फरायसाफोरखौ फरायसालिनि सोरगिदिं गिदिंहोनाय, बेवहाय थाग्रा बिफां लाइफांफोर आरो जिउआरिफोरखौ सिनाय होनाय आरो गुबुन गुबुन रावफोरजों बेनि मुंखौ मिथिना लानो थाखाय बुंनाय जागोन। लेबेल खालामनायाबो बिसोरनि दारै खालाम होजायो। बे मावफारिया सावगारिखौ नायनानैबो खालामनो हायो।
3. फरायसाफोरखौ फरायसालियाव फैनाय समाव जायखिजाया थांखिजों बेहाय बैहाय थांनाय समाव गोग्लैना थानाय बिलाइखौ खनखानो थाखाय थिननो हायो, बिसोरखौ गांसे एलबाम जगार खालामनो आरो फोरोंगिरिफोर,बिमा बिफा आरो गायसनगिरिफोरजों गुबुन गुबुन रावफोरजों बे बिलाइफोरनि मुंफोरखौ मिथिना लानो थाखाय बुंनो हायो।
4. फरायसाफोरखौ गुबुन गुबुन मावफारिनि थाखाय इसारा होग्रा रावखौ बाहायनो थाखाय गोसो जाहोनो हायो। मुलियारि बिफांनि सिनायथि आरो बे बिफांफोरनि गुननि सोमोन्दै सावरायलायनायखौ गुबुन गुबुन रावफोरजों गोसार लायहोनो हायो। बे लाइफांफोरनि थाखाय गुबुन गुबुन रावफोरजों लेबेललिंबो खालामनो हायो जुदि बेयो फरायसालिनि सोरगिदिं दंबोला।
5. बबेबा जुनिया ओनसोलनि थाखाय जुनिया रावखौ बाहायनानै ओनसोलनि गुबुन गुबुन बोथोरफोर, आबहावारि जैना फोरनि सल ' खिन्थाना होनो थाखाय सल'गिरि /राइजोनि सुबुं /बिमा बिफाखौ फरायसालियाव लिंहरनो हायो।
6. फरायसालियाव बाहायजानाय भारतारि रावफोरजों सौनाय फिननाय लानो हायो।
7. गुबुन गुबुन हाग्रानि जिउआरिफोरखौ रैखाथि लानायनि राहानि सायाव विडिअ जाय गुबुन गुबुन रावफोराव थाखानाय, बेफोरखौ फरायसाफोरनो दिन्थिनो हायो जुदि फरायसाफोरा बे विडिअखौ/खारि सावथुन .नायहोयोब्ला अब्ला बेयो बास्रायथाव जागोन।मिथिफेरै राव आरो बेजों बेसादफोरखौ थाल लानो थाखाय बुं।
- 8.फरामसाफोरा गुबुन गुबुन आबहावानि मावनोहानाय मावफारिफोर जेरै हासार बानायनाय, दाखरखौ बाडाइ खालामनाय बायदिफोराव बाहागो लानो हायो, जेराव जुनिया रोंगौसाया गुबुन गुबुन रावफोरजों हाबाफारिखौ दिन्थिफुंगोन।
9. बुलेटिन बोर्डफोरनि सायाव मिथिखानाय आरो मिथिखायै रावफोरजों जायगानि सोरथाथाइयारि बिथांखिनि बरनायथिखौ दिन्थिनाय।

नैथि सप्ताह

थुनलाइ

- 1.मिथिखानाय रावफोरनि उनाव गुबुन रावजों सल'फोरखौ बरनायनाय। कोड -थाफादेरनाय आरो कोड- स्विचिंग खौ बांहोनाय जानांगौ।



2. लिरिगिरिफोरनि नायनो फेनाय : फरायसाफोरजों रायज्जायनो थाखाय राइजोनि रावजों लिरिग्रा जायगानि लिरिगिरिफोरखौ लिंहरनांगौ। बिसोर गावगावनि मोनदांथिफोरखौ फोरमायना होगोन , गावनि बिजाबफोरनि सारिनि बाहागोखौ फरायनो हायो आरो सौनाय फिननाय बिथिंआव बाहागो लानो हायो।
3. गुबुन गुबुन रावफोरजों मिथिखानाय आरो मिथिखायै सोदोबफोर /बाथाफोरखौ लिरनाय।
4. गुबुन गुबुन रावफोरजों खन्थाइफोरनि सारिखौ फरायनाय ।
5. फरायसाफोरखौ गुबुन गुबुन रावजों सल'फोरखौ सुजुनो थिननाय जागोन।
6. जायगानि बिजाब बाखि , मिउजियामफोर एबा राइजोनि थुनलाइयारि दोहोनजों सोमोन्दो थानाय जारिमिनारि थावनिफोरखौ नायदिंनो लां। फरायसाफोरखौ गावनि मोन्दांथिखौ लिरनो थाखाय बुंनाय जागोन।
7. गुबुन गुबुन रावफोरजों गोसोनि मोनदांथि आरो साननाय फोरखौ बुंथिनाय।
8. लाइजाम /सल'फोरखौ लिरनाय आरो (<https://anuvadini.aicte-india.org>) AICTE नि दारै जौगाखां रावसोलायनायखौ बाहायनानै गुबुन गुबुन रावफोराव रावसोलायनाय।
9. थाखोनि लोगोफोरजों, फोरोंगिरिफोरजों ,लोगोफोरजों, आरो नसुंनि सुबुंफोरजों गुबुन गुबुन रावफोरनि बिजाबफोरजों सोलाय सोल खालामनाय।
10. रावनि अंताक्षरी - बेखौ सासे फरायसाखौ गावनि थासारिनि जायखिजाया सोदोबखौ मबेबा मिथिखानाय रावजों बुंनो होनानानै गेलेनो हायो आरो गुबुन फरायसाफोरा बै जुनिया सोदोबखौ गुबुन मोनसे रावाव बुंफिनगोन।
11. फोरोंगिरिया राइजोनि रावजों मोजां मोनजानाय सल' /खन्थाइ /फावथाय खौ सायख'ना होनो हायो आरो सोदोब माँड्यूलेशन आरो मोनदांथिनायजों गोबार गारांजों फरायनो हायो। मोनसेल सल' /खन्थाइ /फावथाइ नि रावसोलायनाया गुबुन गुबुन रावफोरजों फरायहोनाय जागोन। मिथिमोनै भारतारि रावनि लिरिथि खौबो फरायनो हायो। जुदि जाथावनाब्ला रावसोलायनायजों लोगोसे फरायसाफोरजों रानसारलायथों।

थामथि सप्ताह

जामुं

1. गंसे हाथाइ गायसननो हायं आरो मसलाफोरखौ बिसोरनि मुंजों लोगोसे गुबुन गुबुन भारतारि रावफोरजों दिन्थिफुंनो हायो। Pictures of spices may also be used.
 - मसलाफोरनि सावगारिफोरखौबो बाहायनो हायो।
 - मुंफोरा 3-4 भारतारि रावफोरनि जानो हायो
 - देरसिन फरायसाफोरनो मसलाफोरनि बिगियाननि मुंफोरनि बागै बुंनानै होनो हायो।
 - थांखांनाय हाबाफारियाव जेरैबायदि खिन्थानाय जादों, बेबायदिनो दालिफोर, बेगरफोर, बाजरा बायदि फोरनि थाखाय हाथाइखौ गायसननो हायो।



2. फोरोंगिरिया फरायसाफोरनाव गुबुन गुबुन राइजोनि संनाय जामुंफोरखौ दिन्थिनाय/बेनि सोमोन्दै बुंनो थाखाय थिननो हायो।

3. भारतारि औंखामसंग्रायाव गुबुन गुबुन रोखोमनि संग्रा आगजुफोरखौ बाहायनाय जायो आरो बेफोरनि महर , आगजुफोरखौ बानायनो थाखाय बाहायनाय बेसादफोर आरो बाहायथिआ मोनसे ओनसोलनिफ्राय गुबुन मोनसे ओनसोलाव आलादा जायो। बेखौ फोरोंगिरिया फरायसाफोरनो बुजायना होनो हायो।

4. आलदा आलदा भारतारि औंखामसंग्रायाव आलदा आलदा जामुं संनायनि आदबफोरखौ बाहायो। बेसोर एवनाय, संनाय, रुनानै फोमोननाय , थावाव सोमब्रनाय आरो गोबां गुबुन संनाय आदबजौं फारागथि थायो। फरायसाफोरखौ खमैबो 2-3 आलदा आलदा रावफोरजौं बै संनाय आदबफोरखौ सावरायज्जायनो थिननाय जागोन।

5. आबुं हारिमुवारी दोहोन जाय गुबुन गुबुन राइजोनि जोबनोरोडै बाहागो , बेयाव जामुं संनाय , खुरनानै होनाय आरो जागा मुवाजौं लोबबा थानाय माखासे गोनां नेम-खान्थिबो दं। बेबायदि माखासे नेमखान्थि फोरखौ फोरबोफोराव नडाब्ला गोनां समफोरावल' बाहायनाय जायो। फोरोंगिरिया बेफोरनि सायाव सावरायज्जायनायखौ जागायजेनगोन। गोनांथार नेम-खान्थिफोरखौ फरायसाफोरनो हानजायाव राननाय जागोन आरो बेनि उनाव बिसोर बै राइजोनि रावजौं बे नेमखान्थिफोरनि सोमोन्दै रायज्जायगोन, जेराव बे नेमा दं।

6. फरायसाफोरनिफ्राय जिउखानाय सोलायनायाव जामुंजौं सोमोन्दो गोनां सोदोबनि बाख्तिफोराव जानाय सोलायनाय नि सोमोन्दै बिसोरनि बिबै बिबौनाव आरो नसुंनि गाहाय थागिबि फोरनि नोजोरखौ मिथिनो थाखाय बुंनो हायो।

बैथि सप्ताह

गावनि खाथि खालाखौ मिथिना ला

मावफारिफोरनि इसिंआरिखान्थि

1. फरायसाफोरखौ गावनि ओनसोलनि गुबुन गुबुन गोनांथार थावनि /बिल्डिंफोर खौ माथिहोनाय आरो राइजोनि मानसिफोरजौं बेफोरनि जारिमिनारि बिथंखौ मिथिनो आरो जेसेबां बिसोरनो खिन्थानाय बेखौ खमैबो मोननै रावफोरजौं लिरनो थाखाय बुंनो हायो। उनाव गासैबो फरायसाफोरनो जायगानि जारिमानखौ खिन्थाना होनो हायो।

2. फरायसाफोरखौ गोसोखांथियारि थावनि , जारिमिनारि महरै गोनांथार लंथायखुलि फोराव लानो हायो बिजाउना बे लंथायखुलिखौ लुफुनायाव नांनाय मुवा बायदिफोरखौ नायबिजिरनो हायो आरो बै जुनिया ओनसोलनि बाहायग्रा रावखौ बाहायनानै गावनि थाखोनि लोगोफोरजौं आरो जायगानि मानसिफोरजौं लोगोसे बेनि सोमोन्दै रायज्जाय।

3. फरायसाफोरनि थाखाय राइजोनि बिजाब बाख्ति खौ नायनायनि राहा खालामनो हायो आरो बेसोरखौ गुबुन गुबुन भारतारि रावफोराव गुबुन गुबुन बिजाबफोर /रादाब बिलाइ/ लाइसिफोर/आखायनि लिरथि फोरखौ नायहोनो हायो । फोरोंगिरिया गुबुन गुबुन संगठनफोरनि गेजेरजौंबो बे बिजाबफोरनि बेबस्थाखौ खालामनो हायो।

4. देरसिन फयायसाफोरनि दारै नसुंआरि सुबुफोरफोरखौ नायसंनो हायो। फरायसाफोरा होखानाय नेम बायदियै बेनि सायाव गाव मिथिनो मोननायखौ जथायगोन।

- नखरनि सोद्रोमाफोरनि दारै रायज्जायनाय रावफोर।
- थानाय 25 बोसोराव बाहायनाय सोदोबफोराव गोदान सोदोब हाबदेरबाय।



बाथि सप्ताह

आंनि फरायसालि

1. दौंसे हादर अनफावरि मेथाइ /आरज मेथाइ /बेसेन गोनां मेथाइनि सायाव मोनसे आलदा भारतारि रावनि सायाव थाकथियारि खालामनो हायो। बेखौ फरायसालियाव फुनि आरज जथुमाव खननो /खोनासंहोनो हायो।
2. फरायसाफोरखौ आर'ज जथुमाव गोबां रोखोमनि हाबाफारि थिनो। बे थिननाइया गुबुन गुबुन भारतारि रावफोरजौ होनो होयो। मावफारिखौ सिगां सोलौना लानायनि असिलायै, फरायसाफोरखौ आरज जथुमाव सानसे सिगां बे थिननाइफोरनि सोमोन्दै मिथि होगोरनांगोन।
- 3.खायसे फरायसालिफोराव फरायसालिनि गुबुन गुबुन ओनसोलफोरखौ मोनसेल रावजौ दिन्थिनानै होनाय नुयो। बे ओनसोलफोरखौ 2-3 रावफोरजौ दिन्थिनाय /लेबल होनाय जाथौ।
- 4.फरायसालिफोराव डिसप्ले बोर्ड जगाजगनि मोनसेल' गोहोगोरासिन बिजौ। बे बोर्डफोरा माखासे खोथाखौ मिथिखानाय थायो जायखौ डिसप्ले बोर्डनि मोनसे बाहागोआव गुबुन भारतारि रावाव सोलायना लानो हायो।
- 5.सानफ्रोमबो फुडाव, फरायसाफोरखौ मोनसे सायख'खानाय भारतारि रावाव थाकथियारि जानो आरो गुबुनफोरखौ बरायनो थाखाय बुंनो होनो हायो। खायसे बाथा जाय जायखिजाया रायज्जलायनायनि गुदि बाहागो जायो, बेखौबो सोफादेरनो हायो।
6. सरासनसायै सासे फरायसानि दारै फरायसालि, फरायसालिनि क्लब, फरायसा आफाद, हाउस प्रीफेक्ट बायदिनि बाहागोफोराव समायखिरा लानो हायो। बे समायखिराखौ गुबुन गुबुन भारतारि रावफोरजौ लानो हायो।
- 7.फरायसालिनि मानसिफोरनाव सरासनसायै दौंसे मुंगोनां सारि थाखायो। बे टैग -लाइननि 2-3 सारिखौ भारतारि रावफोराव रावसोलायना हो जायो।
8. फरायसालिनि फरायसाफोरनि नेमखान्थि आरो आसारखान्थिआ, मा खालामनो आरो बौरै खालामनो बेनि सोमोन्दै मिथि होयो, बेखौ गुबुन गुबुन भारतारि रावफोराव रावसोलायनो होनोबो हायो। (खमैबो 1-2)
- 9.सप्ताहनि सानसेखौ 'गोगगाथाव भारतारि सान'महरै मुं दोननो हायो आरो फरायसाफोरखौ भारतारि जि जोमखौ गाननानै फैनो आरो बे जि जोमजौ सोमोन्दो थानाय रावजौ बुंथिना होनो थाखाय बुंनो होनो हायो।
- 10.'भाषा संगम' गांसे एरैबायदि बिजाब जेराव बांरावारिबाद खौ बांहोयो। गथ'फोरनो बि बिजाबनिफ्राय खमैबो फंबा बाथाखौ सोलौना लानो थाखाय बुंनो होनो हायो।
11. फरायसाफोरखौ थाखोआव गुबुन गुबुन रावफोरजौ सुंदयै बिबुंथि लाखिनो थाखाय थुलुंगा होनो हायो। फोरोंगिरिया बेनि थाखाय हानजा खालामनो हायो। बेनि थांखिया मोनफ्रोम हान्जानो मोनसे गुबुन राव होनाय।
- 13.फरायसाफोरखौ हानजायाव रानगोन आरो बबेबा जुनिया रावाव मुंदांखा बिजाबफोरनि मुं आरो गुबुन मिथिनो गोनां बाथाफोरखौ बुथुमनो थाखाय बुंनाय जागोन। बेनि उनाव, उनसंना सोलौनाय महरै, बेखौ गुबुन गुबुन भारतारि रावफोरनि मुंदांखा बिजाबफोरनि थाखाय मोनसे कैटलाँग थाक थियारि खालामगोन। साहित्य अकाडेमीनि वेबसाइटव बेखौ ब्राउज खालामनो हायो।
14. बिखंनि मुं लिरनाय बिलाइ आरो बिजाब नायफिननायनि राहाखौ फरायसालिनि बिजाब बास्त्रिआव मोनसे दिन्थिफुंनायाव दिन्थिना होनो हायो।



द'थि सप्ताह

गोनांथि/बेसेन

1. फरायसाफोरखौ बरायनाय, (खुलुमबाय, गोजोन हर बायदि) खमैबो बि रावफोरनि अनगायै, गुबुन रावफोरजौबो सोलौनो थाखाय थुलुंगा होनो हायो, जायखौ बिसोर सिगांनिफ्राय मिथिखागौ।
2. सोरबा नागरिक नि मोनथाइफोरखौ आरो कर्तव्यफोरखौ गुबुन गुबुन रावजौ लिरना होनो हायो आरो फरायसालिनि बुलेटिन बोर्ड नडाब्ला बबेबा गुबुन दिन्थिथाव थावनियाव दिन्थिना होनो हायो।
3. फरायसाफोरखौ फरायसालिनि आसार खान्थि, नेम-खान्थि आरो फरायसालियाव जाग्रा गुबुन गुबुन हाबाफारिफोरनि सोमोन्दै मोननै आलदा आलदा रावफोरजौ खिन्थानो थाखायबो बुंन हायो। फरायसाफोरा बे नेमफोरखौ गासै फरायसालियाव फरायगोन।
4. फरायसाफोरा गुबुन गुबुन रावफोरजौ गुबुन गुबुन गोनांथिफोर (थि खानाय सम, आसारखान्थि, रैखाथि, अनसायनाय, सहायनो हानाय बायदि)शि थाखाय सोदोबफोर नागिरनो आरो रायज्जायनाय सोलौनो थिननो हायो।
5. गासै फरायसाफोरखौ मुंदांखा सुबुंफोरनि गुबुन गुबुन बेसेन गोनां बिबुंथिफोरखौ बुंथिना होनो आरो गुबुन गुबुन रावजौ लिरनो थाखाय बुंनो हायो।
6. फरायसाफोरखौ गुबुन गुबुन रावजौ लिरनाय बेसेन गोनां सल'फोर /खन्थाइफोर /खुगा सल'नि खोनासंहोनाय फावथाय /मेथाइ नाइनो आरो खननो हो।
7. बेसेन गोसा बिबुंथिनि सायाव वीडिअखौ फरायसाफोरनो गुबुन मोनसे भारतारि रावजौ कैप्शनजौ लोगोसे दिन्थिनो हायो।

स्निथि सप्ताह


सानजिमा आरो सानखान्थि

1. फरायसाफोरखौ बिसोरनि फरायबिजाब निफ्राय मोनबा सौंथि /जेंनाफोरखौ गावनि रावजौ लिरनो हो।
2. गुबुन गुबुन रावफोरजौ खेला गेलेनाय आरो पाज्जल।
3. मुंफोरखौ गावनि रावजौ अनजिमायाव सान।
4. गुबुन गुबुन भारतारि रावफोराव सानखान्थियारि सोदोब।

दाइन्थि आरो गुथि सप्ताह

गावनि रंगौथिखौ दिन्थि

1. भारतनि खावसे राइजोहानो दोरोडारि गाननाय जोमानाय दं। फोरौंगिरिया फरायसाफोरखौ हानजायाव रानगोन आरो मोनफ्रोम हानजाखौ भारतनि मोनसे राइजोनि मुं दोननाय जागोन। फरायसाफोरा दोरोडारि गानग्रा-जोमग्रा गाननानै फरायसालियाव फैनो नाजागोन। बै राइजोनि गानग्रा-जोमग्रा आरो बिसोर बै राइजोनि गाहाय राइज्जायग्रा रावजौ गानग्रा-जोमग्राखौ बुंथिगोन।



2. फरायसाफोरनो महरदाग्रा हाब्रु (मोल्डिं क्ले) होनाय जागोन आरो बेयो फोरोंगिरिनि थिननाय बायदि मबेबा जुनिया राइजोनि दोरोडारि गहेना नडाब्ला मोखांनि खसाबफोरखौ थियारि खालामगोन। फरायसाफोरा बेफोर गहेना आरो मोखांनि खसाब फोरखौ दिन्थिगोन आरो बेफोर मुवाफोरनि दोरोडारि, हरिमुवारि आरो जारिमिनखौ बै राइजोनि गाहाय राइज्जलायग्रा रावजौ बुजायना होगोन।

3. फरायसाफोरखौ खन्थाइ लिरनाय आरो बेखौ फरायसालि/फोरोंगिरि नि दारै सायख'नाय रावाव रावसोलायनो थाखाय थुलुंगा होनाय जागोन। बिसोरनो बिरोंदामिन एबा सोदोब बाखि नि हेफाजाबजौ रावसोलायग्रा आगजुफोरखौ बाहायनायनि थाखाय थुलुंगा होनाय जागोन, जुदि बेखौ बिजाब बाखिआव मोननो थाडोब्ला।

4. फरायसाफोरखौ हानजायाव राननाय जागोन आरो बिसोरखौ जारिमिनारि थावनि / बेसेन गोनां बिल्डिं /दैमा /बिलो /हाग्रानि जिउआरि बैखनथाय /हायुडारि पार्क सायखनो थाखाय थुलुंगा होनाय जागोन। बिसोर बे थावनिफोरनि सावगारिफोरखौ बुधुमगोन /बानायगोन /आखिगोन आरो बै राइजोनि गाहाय राइज्जलायग्रा रावाव होथावथाव कैप्शन हो।

5. फरायसाफोरखौ पुटुला दिन्थि होनो थाखाय पुटुलाफोरखौ थाक थियारि खालामनो थाखाय गोसो दुंहोनाय जागोन। पुटुला दिन्थिनाइयाव मोननै रोखोमनि पुटुलाफोर थागोन, मोनसेया बै रावखौ राइज्जलाग्रा जायखौ फरायसाफोरा मिथिखायो आरो गुबुन मोनसे पुटुलाया बै रावखौ रायज्जलायगोन जायखौ फोरोंगिरिया सायखना होयो। बे मावफारिखौ हानजायै मावनो हायो आरो पुटुला दिन्थिनायखौ थाखोआव एबा आरज मेलफोराव दिन्थिफुनो हायो।

जिथि सप्ताह

आंनि सानसि आरो सानथौ

1. फोरोंगिरिया फरायसाफोरखौ गावनि सानथौखौ फोरमायना होनायाव जाफुंसारहोनो थाखाय गोनांथार भाव लायो। फरायसाफोरखौ हानजायाव राननो हायो आरो बिसोरखौ 'आंनि सानखौ आं माब्रै बारहोखो 'आयदाखौ लानानै मोनसे दिन्थि फुनो थाखाय थाकथियारि जानो थाखाय बुंनाय जागोन। (फोरोंगिरिआ होनाय गंसे राइजोनि मुं)। फरायसाफोरा बै राइजोआव रायज्जलायग्रा गाहाय रावखौ बाहायनानै दिन्थिफुंगोन।

2. फोरोंगिरिया फरायसाफोरखौ खमैबो मोनथाम गुबुन गुबुन भारतारि रावफोराव 'भारतारि राव फोरबो' लिरनो थाखाय बुंगोन। फरायसाफोरखौ बे सोदोबफोरखौ लिरनाय समाव लिरथि हांखोखौ बाहायनो थाखाय थुलुंगा होनो हायो।

फरायसाफोरखौ भारतनि गुबुन गुबुन ओनसोलाव थाग्रा लोगोफोरखौ भारतारि रावफोरजौ लाइजाम लिरनो थाखाय गोसो जाहोनाय जागोन।

4. फरायसाफोरखौ हानजायाव राननाय जागोन आरो बिसोर मोनसे 'रोल प्ले' खालामगोन। मोनफ्रोम हानजाया भारतनि गंसे राइजोखौ फोरमायथिगोन। हानजानि सोद्रोमाया बै राइजोनि मोनसे जारिमिनारि जाथाय /बबेबा गेदेमा सुबुं नि फोरमायथिखौ गोबां रावखौ बाहायनानै खालामगोन।

5. फरायसाफोरखौ 'आंनि हादर, आंनि गोग्गानाय' आयदाखौ लाना गावनि सान्थौखौ बुंथिना होनो थाखाय बुंनाय जागोन।

6. मोनफ्रोम थाखोनि ब्लैकबोर्ड एबा डिसप्ले बोर्ड आव भारतनि मोनसे हांखोआरि सावगारिनि महर बोगोन। फरायसाफोरा गुबुन गुबुन रावफोरजौ हामब्लायथि लिरनो थाखाय लिरथि हांखोखौ बाहायगोन।



जिसेथि सप्ताह

फरायनाय आरो बुंथिनाय

1. बांरावारि बिजाबखौ गोबारै गोबारै फरायनाय।
2. स्क्रिप्टजों लोगोसे गोरुबहोनो नाजानाय ।
3. गुबुन गुबुन रावजों गुसुं गुसुं बाथ्रा लिरनाय।
4. कैप्शन जों लोगोसे हारिमायारि बान्था देरहानाय फिल्मखौ नायनाय आरो सल'/मोन्दांथिखौ खिन्थानाय ।
5. शास्त्रिय रावफोरनि लिरथि, बेसादफोरजों सिनायथि लायनाय।

जिनैथि सप्ताह

श्री सुब्रमण्य भारतीनि सायाव

- बिथानि खन्थाइफोरनि गुदि राव आरो रावसोलायनायखौ फराय।
- खन्थाइगिरि आरो सानथौगिरि महरै सुब्रमण्य भारती नि सोमोन्दै फरायनाय आरो लिरनाय।
- फिल्म आरो खारिसावथुन दिन्थिनाय।
- गेदेमा सुबुंफोरखौ बरायना लिंहरनाय आरो गुबुन गुबुन रावजों हाबाफारिखौ थाकथियारि खालामनाय।
- खन्थाइगिरिनि रावजों मोन 20 बाथ्रा सोलौनाय।

पंजाबी हिंदी

उड़ुथा

മലയാളം

नेपाली

सिंधी

वाश्लो

संस्कृतम्

ॐ

